

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK

Broj: 02- /21
Zenica, 05.03.2021.godine

STRUČNA SLUŽBA GRADSKOG VIJEĆA

PREDMET: Prijedlog Rješenja o imenovanju Upravnog odbora Javne ustanove „Dom zdravlja“ Zenica, dostavlja se,

Poštovani,

U prilogu ovog akta dostavljamo vam Prijedlog Rješenja o imenovanju Upravnog odbora Javne ustanove „Dom zdravlja“ Zenica.

S poštovanjem,

GRADONAČELNIK

DOSTAVLJENO:

1x Naslovu,

1x a/a.

Fuad Kasumović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

PRIJEDLOG

R J E Š E N J A
O IMENOVANJU UPRAVNOG ODBORA JAVNE USTANOVE
„DOM ZDRAVLJA“ ZENICA

Zenica, mart 2021. godine

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) i člana 21. tačka 18. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na ____ sjednici održanoj _____ 2021. godine, donijelo je

RJEŠENJE
o imenovanju Upravnog odbora Javne ustanove
"Dom zdravlja" Zenica

Član 1.

Imenuje se Upravni odbor Javne ustanove "Dom zdravlja" Zenica na mandatni period od četiri godine u sastavu kako slijedi:

- Mia Pojskić, diplomirani ekonomista, predstavnik osnivača,
- prof.dr.sci. Larisa Gavran, dr.spec.prim, predstavnik stručnih radnika,
- Belma Kovač-Spahić, diplomirana pravnica, predstavnik Ministarstva zdravstva ZDK.

Član 2.

Ovo Rješenje stupa na snagu danom donošenja, a objavit će se u „Službenim novinama Grada Zenica“.

Broj: 01- /21
Zenica, 2021.godine

PREDSJEDAVAJUĆI
GRADSKOG VIJEĆA

O B R A Z L O Ž E N J E

I PRAVNI OSNOV

Odredbom člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) propisano je da konačna imenovanja vrši odgovorni javni službenik, odnosno Gradsko vijeće.

Odredbom člana 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) propisano je da predsjednika i članove upravnog odbora zdravstvene ustanove u svojini opštine imenuje/razrješava opštinsko vijeće, na prijedlog opštinskog načelnika.

Odredbom člana 21. tačka 18. Statuta Grada Zenica („Službene novine Grada Zenica“, broj: 5/15) je propisano da Gradsko vijeće u okviru svojih nadležnosti, između ostalog, imenuje, bira i razrješava druge osobe određene zakonom, Statutom i odlukama, te daje suglasnost na imenovanja, izbor i razrješenja kada je to propisano.

II RAZLOZI DONOŠENJA

Imajući u vidu okolnost isteka mandata članovima Upravnih odbora Javne ustanove "Dom zdravlja" Zenica i Apoteka „Zdravlje“ Zenica, Gradonačelnik Grada Zenica je dana 17.06.2020.godine objavio Oglas za izbor i imenovanje članova Upravnih odbora Javnih ustanova „Dom zdravlja“ Zenica i Apoteka „Zdravlje“ Zenica, a u skladu sa članom 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) . Oglas je objavljen u „Službenim novinama Federacije BiH, „Oslobođenju“ i na službenoj internet stranici Grada Zenica. Navedeni Oglas je poništen 19.08.2020. godine u novinama „Oslobođenje“ zbog proceduralnih grešaka, te uočenih nedostataka u provođenju konkursne procedure.

U skladu sa članom 4. Zakona o ministarskim, vladinim i drugim imenovanjima Federacije Bosne i Hercegovine, Gradsko vijeće je na 2.sjednici održanoj 28.12.2020.godine, imenovalo privremeni Upravni odbor Javnih ustanova „Dom zdravlja“ Zenica i Apoteka „Zdravlje“ Zenica, i to Rješenjem o imenovanju privremenog Upravnog odbora Javne ustanove „Dom zdravlja“ Zenica, broj: 01-45-25936/20 od 28.12.2020. godine i Rješenjem o imenovanju privremenog Upravnog odbora Javne ustanove Apoteka „Zdravlje“ Zenica broj:01-45-25937/20 od 28.12.2020.godine.

S obzirom da je privremeni Upravni odbor imenovan na kraći period, odnosno na period od najviše tri mjeseca, Gradonačelnik Grada Zenica je objavio novi Oglas za izbor i imenovanje upravnih odbora javnih ustanova "Dom zdravlja" Zenica i Apoteka "Zdravlje" Zenica u „Službenim novinama Federacije BiH, broj:1/21 od 08.01.2021.godine, te u novinama „Oslobođenje“ i na službenoj internet stranici Grada Zenica 04.01.2021.godine.

U cilju provođenja postupka izbora članova upravnih odbora Javnih ustanova „Dom zdravlje“ Zenica i Apoteka „Zdravlje“ Zenica, Gradonačelnik je Rješenjem broj: 02-451944/21 od 03.02.2021. godine formirao Komisiju za izbor i imenovanje članova upravnih odbora Javnih

ustanova „Dom zdravlje“ Zenica i Apoteka „Zdravlje“ Zenica u sastavu: Primorac Bojana, diplomirana pravica, predsjednica, Porča Alisa, diplomirana pravica, članica, Ščetić Alma, diplomirana pravica, članica, Adilović Nusret, diplomirani pravnik, član, Ismičić Maid, diplomirani ekonomist, član.

Shodno tačkama II i III označenog rješenja, u smislu procedure izbora kandidata za imenovanje na predmetnu poziciju, Komisija je imala za zadatak da sve kandidate koji ispunjavaju uslove utvrđene javnim konkursom pozove na intervju, sastavi listu kandidata koji ispunjavaju kriterije, te da listu s izvještajem dostavi donosiocu rješenja, odnosno Gradonačelniku, u svrhu pripreme konačnog prijedloga za imenovanje i upućivanje istog radi razmatranja pred Gradskim vijećem.

Iz Zapisnika Komisije od 23.02.2021. godine, proizilazi sljedeće:

Na Oglas za izbor članova Javne ustanove „Dom zdravlja“ Zenica, blagovremeno su pristigle ukupno četiri prijave, a neblagovremenih prijava nije bilo. Prijave na Oglas su dostavili sljedeći kandidati:

- iz reda osnivača:
 1. Mia Pojskić, diplomirani ekonomista,
 2. Aerzimana Čeliković, diplomirani pravnik i
 3. Lana Hadžijusufović, diplomirana medicinska sestra/tehničar.
- iz reda stručnih radnika:
 1. Larisa Gavran, doktor medicinskih nauka.

Detaljnim pregledom pristiglih prijava, Komisija je utvrdila da su prijave sljedećih kandidata potpune, te da prijavljeni kandidati ispunjavaju sve uslove tražene Oglasom i to:

- ***iz reda osnivača:***
 1. Mia Pojskić, diplomirani ekonomista.
- ***iz reda stručnih radnika:***
 2. Larisa Gavran, doktor medicinskih nauka.

Po otvaranju prijava, Komisija je pismenim i usmenim putem obavijestila kandidate o terminu održavanja intervjua, a koji je održan u petak, 03.03.2021. godine, u maloj sali Grada Zenica (Služba kabineta Gradonačelnika – II sprat), s početkom u 11,00 sati. Oba kandidata pristupila su intervjuu.

Nakon dostavljanja zapisnika od strane Komisije s utvrđenom rang listom kandidata za članove Upravnog odbora Javne ustanove „Dom zdravlja“ Zenica, Gradonačelnik dostavlja Vijeću Prijedlog Rješenja o imenovanju Upravnog odbora Javne ustanove „Dom zdravlje“ Zenica kako slijedi:

- Mia Pojskić, diplomirani ekonomista, predstavnik osnivača,
- prof.dr.sci. Larisa Gavran, dr.spec.prim, predstavnik stručnih radnika,

a shodno aktu Ministarstva zdravstva Zeničko-dobojskog kantona broj: 11-30-13116-4/20 od 26.02.2021. godine, a u smislu odredbe člana 64. stav (5) Zakona o zdravstvenoj zaštiti ("Službene novine Federacije BiH", broj: 46/10 i 75/13), navedeno Ministarstvo je dostavilo prijedlog za imenovanje, kako slijedi:

- Belma Kovač-Spahić, diplomirana pravnik, predstavnik Ministarstva zdravstva Zeničko-dobojskog kantona.

Pored naprijed navedenog, a s obzirom da je istim Oglasom predviđen i izbor i imenovanje članova Upravnog odbora Javne ustanove Apoteka "Zdravlje" Zenica, informacije radi, Komisija za izbor je također izvršila otvaranje pristiglih prijava za izbor članova navedenog Upravnog odbora, te je konstatovala da je dostavljeno ukupno 11 prijava, od kojih su tri prijave ispred reda osnivača, a osam prijava ispred reda stručnih radnika.

S obzirom da niti jedna prijava koja je dostavljena ispred reda osnivača nije ispunjavala formalno-pravne uslove tražene predmetnim Oglasom, isti je u dijelu izbora i imenovanja člana ispred reda osnivača poništen 03.03.2021.godine u „Službenim novinama Federacije BiH, „Oslobođenju“ i na službenoj internet stranici Grada Zenica. U sklopu poništenja Oglasa objavljen je i novi Oglas za izbor i imenovanje člana Upravnog odbora Javne ustanove Apoteka „Zdravlje“ Zenica, te će po okončanju procedure iz istog Gradskom vijeću biti dostavljen prijedlog Rješenje o imenovanju Upravnog odbora Javne ustanove Apoteka „Zdravlje“ Zenica.

III POJAŠNJENJE SKRAĆENOG POSTUPKA

Imajući u vidu da je u konkretnom slučaju riječ o rješenju, kao pravnom aktu kojim se rješava u pojedinačnoj stvari, odnosno da nije riječ o složenom ili aktu obimne pravne regulacije, to predlagač isto, u skladu s odredbom člana 69. stav (1) Poslovnika Gradskog vijeća („Službene novine Grada Zenica“, broj: 4/17), dostavlja Vijeću na razmatranje u formi prijedloga.

KOMISIJA ZA IZBOR I IMENOVANJE ČLANOVA
UPRAVNIH ODBORA JAVNIH USTANOVA
„DOM ZDRAVLJE“ ZENICA I
APOTEKA „ZDRAVLJE“ ZENICA